



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

- I. Qui fidem de aliqua ducenda dedit, si eam postea cognouerit carnaliter, licet aliam matrimonio postmodum sibi copulauerit, primae adhaerere debet: quia carnalis commixtio facit matrimonium, vbi ...

urn:nbn:de:hbz:466:1-15588

CAP. IX. *Idem fratribus Hospitalis Hierosolymitani.*

Peruenit ad nos transmissa insinuatione venerabilis fratris nostri * Herefordensis episcopi, quod vos occasione priuilegii ab apostolica sede vobis indulti, non semel tantum in anno, sed frequenter episcopatum eius visitatis, & interdictas ecclesias aperitis, vt diuina officia celebretis. Addit ad hæc, quod vos corpora defunctorum, si qua inhumata iacuerint, dummodo excommunicati non decesserint, ecclesiastici cœmeterii traditis sepulturæ. Quoniam igitur non decet vos aliquatenus vsurpare quod vobis non est indultum, cum priuilegium mereatur amittere, qui permiffa sibi abutitur potestate: discretioni vestræ, &c. quatenus sic tenorem priuilegii conferuetis, quod eius metas vel in his, vel in aliis transgredi minime videamini, nec nisi semel in anno in ecclesiis interdictis diuina præsumatis officia celebrare: scituri pro certo, quod si secus, quod non arbitramur, feceritis, vos a præsumptione vestra, Domino auctore, arctius compescemus.

CAP. X. *Idem Lexoniensi episcopo.*

Si quis rei litigiosæ confirmationem a sede apostolica impetrauerit, non minus iudex de causa potest cognoscere, & eam sine debito terminare. Sed si rem tunc pacifice possidebat, cum inde confirmationem obtinuit, non est tutum, aut licitum iudici de quæstione suborta postea sine mandato Romani pontificis decernere, aut eam diffinire.

PARS XLV.

DE SPONSALIBVS SECVNDO.

CAP. I. *Idem* Exoniensi episcopo.*

VENIENS ad nos V. lator præsentium, simplici nobis assertionem monstrauit, quod in domo sua mulierem acceperit, de qua filium & filiam habuit, & fidem coram pluribus præstitit, quod eam duceret in vxorem. Interim vero cum in ciuitate quadam apud domum vicini pernoctaret, eius filia secum concubuit, & cum pater eos in simul in lecto inuenisset, summo mane ipsum eam inuitum desponsare coegit. Qui nuper in præsentia nostra con-

ANNO
 CHRISTI
 1179.

stitutus, nos consuluit, cui potius adhærere deberet. Quia vero nequaquam nobis innotuit, vtrum post fidem præstitam primam cognouerit: fraternitati tuæ, &c. quatenus rei veritatem diligenter inquiras, & si cognoueris quod primam post fidem datam cognouerit, ipsū cum ea facias remanere. Quod si post fidem datam eam non cognouerit, secundæ, nisi metu coactus, qui posset in quemlibet virum constantem cadere, eam desponsauerit, tamquam vxori facias adhærere.

22. q. 4. Inter cetera. Sed ibi iurauit, hic non.

CAP. II. *Idem eidem.*

Ex præsentium latoris confessione percepimus, quod cum ipse quamdam alterius vxorem in adulterio polluisset, pœnitentiam inde suscepit. Sed postea in eundem incidit, diabolo instigante, reatum, ac eandem mulierem, viro defuncto, sibi in matrimonium copulauit, eamque asserit in præsentem pro coniuge * retinere: Verum quoniam nos de salute animarum ipsorum solícite compellimur in Domino cogitare: fraternitati tuæ, &c. quatenus rem ipsam diligenter inquiras: & si tibi constiterit, quod ille vel illa in mortem prioris viri fuerit machinatus, vel si eo viuente fidem ipsi mulieri dederit, se eam in coniugem recepturum, eos non differas penitus separare. Quod si neutrum istorum constiterit, in causa ipsa iuxta ecclesiasticam consuetudinem & canonica statuta procedas.

* remanere:

CAP. III. *Idem eidem.*

Peruenit ad nos, quod quidam miles R. nomine, fide interposita, in multorum præsentia promisit se contracturum matrimonium cum quadam puella filia Eduuini de Baseleher: sed postmodum, licet ex ea prolem suscepit sicut ipse nobis asserit, fidem inde violare non timens, alteri adhæsit, & prædictam puellam quam dicitur deflorasse, in vxorem ducere contradicit. Quoniam igitur non modicum delinquit, qui fidem violare præsumit: discretionem vestræ, &c. quatenus rei veritatem diligenter inquiratis: & si vobis pro certo constiterit, præfatum militem prænominatam puellam in vxorem ducturum fide interposita promississe, & postmodum eam cognouisse, eundem militem monere studeatis, & diligenter inducere, vt

Concil. Tom. 27.

Tttt ij